

# **Anvid a messadi pigl tarvaschegns cunstitutiv da la Muntogna da Schons**

**data:** vendargis, igls 30 d'october 2020

**tains:** 20.15 uras

**antrada davent da las 19.30 uras**

**liac:** scola Donat

## **Tractandas**

1. Bagnvagnieu tras igl president transitoric ad elecziùn digls/da las dumbravuschs
2. Elecziùn d'egn/a president/a digl gi
3. Elecziùn d'egn/a actuar/a digl gi
4. Cunstituziùn digl vaschinadi Muntogna da Schons;
  - a) Preschantaziùn a discussiùn
  - b) Apruvaziùn
5. Lescha da taglia digl vaschinadi Muntogna da Schons;
  - a) Preschantaziùn a discussiùn
  - b) Apruvaziùn
6. Lescha d'indemisaziùn par autoritads a cumissiùns digl vaschinadi Muntogna da Schons
  - a) Preschantaziùn a discussiùn
  - b) Apruvaziùn
7. Elecziùns perioda d'ufezi 2021-2023
  - a) President
  - b) Quater cumembers par la suprastànza
  - c) Tres cumembers par la cumissiùn da gestiùn
8. Varia

## **Stimadas votàntas, stimos votànts**

La suprastànza transitorica digl vaschinadi Muntogna da Schons preschainta a Vus igl messadi a las dumondas inoltradas partutgànt igls tractandums numnos.

## **Basa legala**

Tenor cuntract da fusiùn digls 26 da zarcladur 2020 trànter igls vaschinadis Casti-Vargistagn, Donat, Lon a Maton ston las votàntas ad igls votànts apruvar la nova cunstituziùn a la nova lescha da taglia a caschùn d'egn tarvaschegns cunstitutiv avànt ca la fusiùn vomi an vigur. Las basas legalas sco ear la lescha d'indemnisaziùn par autoritads a cumissiùns digl vaschinadi Muntogna da Schons en vagnidas elavuradas da la suprastàntza transitorica. La basa par la nova **cunstituziùn** digl vaschinadi Muntogna da Schons e dada tras igl modèl da cunstituziùns digl ufezi da vischnàncas cantunal. An consequenza da la nova lescha cantunala da vaschinadis san singulas determinaziùns an la nova cunstituziùn vagnir modernisadas.

La nova **lescha da taglia** da la Muntogna da Schons sabasa sen la lescha da modèl da l'administraziùn da taglias cantunala. La lescha davart las taglias comunala sa vagnir tanida curta, parquegl ca las cundiziùns generalas prinzipalas en fixadas an las leschas surordinadas davart las taglias communalas a davart las taglias da baselgia ad an la lescha da taglia pigl cantùn Grischùn.

Las basas legalas elavuradas en vagnidas apruvadas digls ufezis cantunals avànt c'ellas en vagnidas dadas libras par la consultaziùn a las abitàntas ad agls abitànts digl vaschinadi da la Muntogna da Schons. Quella consultaziùn â gieu liac digls 13 tocen igls 28 d'avust 2020. La suprastàntza transitorica angraztga a tut las parsùnas c'ân sapartizipo a la consultaziùn. Sen basa da las propostas par midadas a da las remartgas inoltradas en cunzùnd las savundàntas determinaziùns vagnidas adatadas.

*Cunstituziùn comunala art. 5:*

*lgl vaschinadi satqata sen territori rumàntsch.* Igls lungatgs ufizials digl vaschinadi en rumàntsch a tudestg. Igl lungatg da scola e rumàntsch. Cun quella completaziùn de l'identitad linguistica a culturala da la Muntogna da Schons vagnir francada an la cunstituziùn.

*Cunstituziùn comunala art. 37 a 46:*

La suprastàntza transitorica va paregna cun la dumonda da sbassar las cumpetenzas finanziaias da l'executiva. La cumpetenza finanziaia par la suprastàntza comunala de betga surpassar 50'000.- frànchs par egna tgossa unica a 15'000 frànchs par expensas anualas repetitivas.

*Lescha da taglias art. 6*

Las tarifas da taglia sen las taglias d'ierta a sen las taglias da donaziùns mùntan nov a:

- a) 4% pigl tschep digls geniturs
- b) 15% pigls ulteriurs ratschaviders da facultad

Las basas legalas van an vigur igl 1. da schaner 2021. La cunstituziùn furma, cun aplitgear igl cuntract da fusiùn, la basa par las amprenas ligidas ordinarias par las autoritads communalas. La prozedura electorala e definida an las determinaziùns transitoricas (art. 66) ad an las determinaziùns ordinarias da la nova cunstituziùn (art. 40).

## **Ligidas 2021-2023**

Igls savundànts candidats sametan a disposiziùn par la perioda d'ufezi 2021-2023:

<u>President:</u>	Marco Dolf	Vargistagn
<u>Suprastànta:</u>	Marcel Cantieni	Donat
	Roman Hassler	Donat
	Andreas Simonett	Lon
	Benedikt Dolf	Maton
<u>Cumissiùn da gestiùn:</u>	Carola Derungs-Fravi	Donat
	Armon Cantieni	Donat
	Magnasch Michael	Vargistagn

Ulteriuras propostas par las ligidas san sacapescha vagnir fatgas a caschùn digl tarvaschegns. Igl e dantànt da far stem c'igls vaschinadis actuals àn igl dretg dad easser rapreschantos cun egnà parsùna an la suprastànta durànt l'amprema perioda d'ufezi.

Gl'amprem vean la presidenta near igl president ligida near ligieu. Igls ulteriurs suprastànts vignan mademameing ligieus egn ad egn, ascheia ca tut igls vaschinadis actuals san vagnir risguardos cun egn cumember, premess c'igl en avànt màn candidats. L'elecziùn da la cumissiùn da gestiùn vean fatga an globo.

## **Dumondas**

La suprastànta transitorica dumonda unanimameing las votàntas ad igls votànts d'apruvar las basas legalas c'en tractandadas sut tranctandum 4 antocen 6. Nus suplitgagn da tschantar eventualas dumondas avànt igl tarvaschegns par scret ad Andreas Heggendorf, president transitoric, 7433 Maton, ascheia c'igl tarvaschegns sa vagnir preparo a mano tras an maniera optimala. Sacapescha ca dumondas san ear vagnir tschantadas a caschùn digl tarvaschegns.

## **Documaints**

Ord aspects ecologics desista la suprastànta transitorica da tarmeter an furma da pulpier tut igls documaints cun las basas legalas. Igls documaints san vagnir scargieus da la pagina web [www.mdschons.ch](http://www.mdschons.ch) near c'els san vagnir ratratgs sen las canzleias comunalas.

## **Masiras da protecziùn an consequenza da la pandemeia digl coronavirus**

Las masiras da protecziùn cuntignan igls savundànts puncts:

- Tut igls partizipànts da la radunànta lavan, respectivameing desinfecteschan igls màns. Igl stat a disposiziùn desinfectànts. Plenavànt e'gl da desister da dar igls màns.

- Iglis partizipànts tignan la distàntza dad 1.5 meter anviers otras parsùnas (las sutgas en repartgidas sen distàntza)
- A parsùnas periclitadas vean racumando da saprotoger aschi bagn sco pussevel (par exaimpel cun mascras). Sen giavisch vignan repartgidas mascras gratuitas.
- Parsùnas ca sasaintan malzànas vignan suplitgeadas da star a tgea, ear parsùnas c'ân gieu stretg contact cun egna parsùna infectada cun COVID-19 near ca statan anzemel cun talas parsùnas vignagn suplitgeadas da star a tgea.
- D'egn apero vean desistieu

Muntogna da Schons, iglis 15 d'october 2020

La suprastàntza  
transitorica  
Muntogna da Schons